

Ministro Junior Croes a pidi PG pa investiga leakmento di lista di Internet

ORANJESTAD(AAN) Setar y autoridadnan competente a faya mahos den e caso di leakmento di adresnan di E Mail y code di esnan cu ta uza Setarnet.

Internet ta un desaroyo mundial y tur esnan cu no por uza Internet, aki un paar di aña ta ser considera como analfabeta pasobra telecomunicacion ta e futuro.

Na Aruba introduccion di Internet a habri posibilidadnan enorme pa hendenan local riba un multitud di negoshi internacional, contactonan etc etc y e forma pa haya informacion di cuakier parti di mundo.

Mescos cu introduccion di machin di fax cu tambe a haci su impacto, Internet tambe a haci su impacto na Aruba, pero lamentablemente mandatarionan y parlamentarianan un biaha mas a faya na adapta leynan local na desaroyonan manera Internet.

Fraude cu comunicacion di computer, fax y awendia Internet, na Hulanda tambe a causa hopi problema debi cu no tabata tin leynan pa cu tipo di casonan asina, pero Hulanda den un tempo relativamente corto a adapta su leynan na e desaroyonan aki y awendia nan tin camindanan legal pa cana pa persigui penalmente esnan cu ta comete actonan di entre otro fraude cu computer, viola briefgeheim etc etc via telecomunicacion.

Internet ta accesible pa tur hende cu tin coneccion via Setarnet y esaki ta haci tambe posibel pa esnan cu ta maestro den kibra code di computer di otro hende, pa nan por drenta den por ehempel E Mail di otro hende.

Fuera di por drenta den file di E Mail di otro hende, e krakdonan di computer por subi Internet via number di otro hende y asina pa oranan largo busca informacion rond mundo y clientenan inocente ta haya nan mes fin di luna ta paga gastonan halto di surfmento riba Internet cu nan nunca a haci.

Recientemente a sali na cla cu un lista di number y adresnan y te hasta code di esnan cu tin E Mail na Aruba tabata circula riba caya.

Relaciona cu e caso aki ministro Junior Croes riba 3 di december 1998 a manda un carta pa Procurador General di Aruba pa pidi e PG laga haci un investigacion penal

riba leakmento di e informacionnan confidencial di Setarnet.

Gerencia di Setar aparentemente for di algun tempo caba lo tabata na altura di e leakmento y straño ta cu te diarazon ultimo e peticion a drenta di parti di Setar na Landsrecherche pa laga haci un investigacion.

Pregunta ta; pakico Setar a warda asina largo pa notifica autoridadnan competente riba e caso serio aki y tambe mester sali na cla ki dia Setar su gerencia cu no tin un bon relacion cu ministro Junior Croes a pone e ministro responsabel pa telecomunicacion na Aruba, na altura di e caso aki.

Comisario di Landsrecherche Van Tetering a declara na un corant, cu ora cu el a haya sa di e caso el a laga cambia su code mesora den su computer pa evita cu cuakier persona no autoriza por drenta den su E Mail.

Ta hopi cuestionable cu comisario di Landsrecherche y gerencia di Setar no a manda un advertencia en gen-

eral pa prensa na Aruba pa asina adverti pueblo di Loke tabata pasando y na prome lugar nan a percura pa dnan nan mes prome.

Esnan cu ta abonado di Setarnet no tabata tin e mesun derecho cu Van Tetering di Landsrecherche pa core cambia den pura nan code pa evita cu otro hendenan por a haci mal uso di nan E Mail y nan lineanan di telefoon?

Ta con clientenan di Setar lo sinti nan mes ora cu nan haya sa cu pa basta tempo caba e listanan cu informacionnan secreto di clientenan tabata circula riba caya y gerencia di Setar a negligia di notifica su clientenan na tempo?

Esnan cu por a sufri daño por lanta caso contra Setar y ta cu ki pia Setar ta bay para den corte contra su clientenan?

Ministro Junior Croes mester bay duna cuenta na pueblo encunto ki dia el a ser poni na altura di e caso aki y si ta for di corant el a bin haya sa kico tabata pasando cu el a manda carta pa PG.

Si bin resulta cu gerencia di Setar no a notifica e ministro encarga na tempo ta ki pasonan e ministro lo bay tuma contra gerencia di Setar?

Ta con autoridadnan competente ta bay haci den corte si no tin leynan adecuado na Aruba pa cu tipo di casonan asina?



MINISTERIE VAN VERVOER, COMMUNICATIE, UTILITEITEN & SPORT.

ARUBA

Aan: De Procureur Generaal
L.G. Smith Boulevard 42
Alhier

Onderwerp: Verzoek om strafrechtelijk onderzoek naar bron van verspreiding
lijsten met Setarnet-abonnees

Aruba, - 3 Dec. 1998

In de Amigoe van 2 december 1998 werd melding gemaakt van de circulatie in Aruba van lijsten met daarop namen, emailadressen en passwords van abonnees van Setarnet (bijgevoegd). Het feit dat deze lijsten op het eiland circuleren kan tot gevolg hebben dat derden een oneigenlijk gebruik gaan maken van het abonnement van een Setarnet-abonnee. Voorts is mijns inziens de circulatie van deze lijsten een schending van het in artikel 1.16 van de Staatsregeling van Aruba gewaarborgde recht op bescherming van de persoonlijke levensfeer. Het bestaan van deze situatie moet dan ook als maatschappelijk onaanvaardbaar worden beschouwd. Ik verzoek u derhalve een strafrechtelijk onderzoek in te stellen naar de bron van verspreiding van voornoemde lijsten zowel binnen als buiten de Setar.

De Minister van Vervoer, Communicatie,
Utiliteiten en Sport

Guberto F. Croes Jr., M.B.A.

CC: Hoofd Veiligheidsdienst Aruba

DAKS DEN WOWO!!!

